



石倉十二代詩選

明詩卷之六十三

山長集

大明

崇德周致堯著
後學曹學佺閱

述懷

平生遠塵事畏觸憂患端矧茲值多故而敢懷

自安寄身途旅中戚戚苦飢寒爲生耻無庸緝

遺守微官雖云匪多秩所職期可觀願非周員

器軌事仍獨難蹇予亦何爲俛仰徒長歎

脩禊日借曹廣文七人遊南湖賦得裴休

舊業休字公美捨宅爲寺今真如寺是也
幽賞殊未窮揚舫濟南湖載瞻裴公宇蕭條乃
禪居緬思太和年秩班百寮初晚懷超俗緣息
心究空虛歲月旣云邁世事亦已徂峩峩清輝
堂遺構委榛蕪斯人不可爲慨傷獨在余

三月望日偕曹廣文遊南園得多字

暮春適休暇步遊散煩疴復茲名園賞爲樂詎
云多依叢愛繁綠綠冶弄輕波景幽興彌臻慮
澹神始和誰思遽旋歸夕曛在城阿永諧塵外
蹤明晨復來過

夏夜宿流虹寺有感

馳驚竟朝暮似緣飢凍迫如何百年間區區爲
形役世途寡相知覩顏徒自飾所獲旣非寶所
喪良可惜生理固草草進退量我力豈乏希世
榮前車已當阨流光急奔馬素業紛斷織聖道
卒未聞但馬增內惕

詠軒爲金子尚賦

大雅輟微響新聲競哇淫行行誰不迷舉世莫

歷代詩選 卷六十三
能箴慨彼深巷士淵淵多古心覽物易成感呻
吟暢中襟初聆韶濩鳴再聽鸞鶴吟清泠播空
象要妙諧八音詎惟孱懦與幽夔亦蕭森緣知
美刺間感創非獨今王風日已覃王澤日已深
殷勤誦功德永遠被琴瑟

感興

蕭蕭五花馬矯矯七尺身飲馬恒以時剪刷謂
有神輕泥障文錦新鞍鞞雕銀所期越千里不
辭廝養勤過都未及試一蹶不再伸吁嗟世之

人求名不求真

題俞仲剛山水

我昔四明尋隱者着屐遠過玉几山巖扉苔徑
轉森邃結窠廼在雲松間松間迴風蕩空影水
流花開春日永苧服涼深團扇開好鳥飛來意
俱靜爲覓漁梁白沙步因識樵人奕棋處扁舟
暝泊碧溪陰泂月長歌下山去束帶十年事朝
謁鶴怨猿驚總凄切草堂晴晝玩新圖三歎令
人欲愁絕

懷古

我愛陶淵明所居惟種柳與世實寡諧委懷在
杯酒不有千古心誰識千載後意欲從之遊斯
人復何有
雨後步南園
栽蔬徧南圃雨足蔬已長晨夕供採掇筐篚克
所將豈無膏粱思自顧不可常願言使無違澹
泊庸何傷
人求虛白室爲毛經歷賦

端居養幽素冲然澹無滓豈乏華藻榮溟緇恐
兹始一室洞昭融於焉表微旨蒙莊亦何人先
予契斯理

送劉中得行字

惠風育繁卉旭景藹春晴端尻感時遷况抱離
人情華觴愜未足中懷在嚴程還當南榮卧悵
對浮雲行

聽願道友吹雙孔笛

幽人製清管二指宣宮商夕響隨風迥餘悲繞

山長危葉振欲脫微波動還揚遠近同一聽感
余非故鄉

古詩

應龍果何物變化在斯須噓氣雲霧蒸下雨澤
九區差差喉下鱗嬰之能殺軀那因情欲牽豢
畜同淵魚

其二

邯鄲有猛虎曾參能殺人斯固不足憑浮言亂
其真儉人舌下刀數加君子身何如冥冥羽不

爲贈傲親

其三

團團青銅鏡昔從軒轅鑄面涵孤月光背隱雙
龍跼美貌欣自脩醜容羞見妬人心自親疎鏡
明只如故

其四

倚蘭生中谷不采恒自香園丁亦何知掇置近
中堂朝培根愈萎暮沃葉已黃將養雖以時物
性終見傷

其五

蕭蕭水中蒲
瑣瑣蒲上禽
託身自得所
不忌罾罟侵
天風斷枯條
卵破巢亦沈
茲焉復何尤
慎之在初心

夏日卽事

新浴坐溪館
微涼在虛襟
風條振宿雨
石泉和鳴琴
因茲塵外境
怡我關世心
何事城郭居
煩思苦沈沈

雨夜感懷二首

卧聞窗間雨
蕭颯夜將深
轉望壁上燈
依微照孤衾
撫茲淒絕候
感此遲暮心
平明視青鏡
白髮滿華簪

攬衣起中夜
感歎成歎歌
百年事形骸
所得良不多
生理旣茫昧
動靜防禍羅
歸哉南山隍
石田蔭松柯

秋夜不寐三首

高館夜無寐
孤衾轉蕭爽
驚風振庭柯
落葉走階響
沈憂靜中起
離懷益難廣
寂寞誰晤言
殘

燈耿虛幌

濩落頗已久衰遲亦何甚因念平生懷悲悽不能寢薄帷照明月中宵益凄凜展轉殊未休疎鐘度高枕

昨日又今日今朝又明朝嗟此竟何爲坐令顏鬢凋代耕旣非望閒居亦無聊孤懷共誰寫仰屋奏七謠

訪鮑仲孚先生隱居

溪上齋居好幽偏事不侵桑麻存晚計圖史樂初心岼幘幽窗曉移牀綠樹陰卜隣何代老從此數相尋

次石監征韻

憶子臨東海征帆幾日回鼉鳴津鼓合蜃起石樓開官酒應深酌春衣或未裁題詩紀遊歷時寄到蓬萊

次陳彥博編脩雨中見懷

澤國仍多雨溪流沒兩涯墟煙迷小市泥草亂空階蘊藉詩中意蒼茫病裏懷明朝晴色好對

話兩情諧

送崇德州夏同知

慷慨持征節，雄談息戰塵。
有生皆帝力，無地不王臣。
爲國丹心在，論功白髮新。
他年忠義傳，端合繼前人。

送人歸楚

楚甸荒涼舊鎮微，春來漸覺思依依。
故鄉兵後今誰在，遊子江南恨獨歸。
長路關心聞過雁，孤城回首見斜暉。
家人十載傷離別，芳草閒堂靜

掩扉

寄沂陽劉廷鎮員外

故人相與最從容，尚憶論詩向夜中。
白首無家十年別，青山何處一樽同。
夢回孤館燈前雨，目斷西風塞外鴻。
誰識離懷愁絕處，野庭依舊穆陵東。

吳中高潛亭

兩岫春雲暗，柳條滿蓬風。
雨過楓橋空，憐越絕溪山好。
且聽吳趨巷，陌遙官舍晚。
涼飛燕子水

歷代詩選 明周至
鄉人靜賣魚苗誰家白晷佳公子賸把黃金買
阿嬌

寄子高都事

昔年相與最多情尚憶聯鑣度錦城御水滿溝
看洗馬宮墻隔樹聽流鶯別來故舊今誰在老
去艱虞只自驚山色湖光總無賴不堪幽獨轉
愁生

登崇德城有感

溪上孤城百雉餘城門猶自護儲胥霸陵空宿

將軍騎范叔應隨使者車雞犬蕭條兵過後漁
樵散漫市休初老年觸事多成感聞向芭蕉葉

上書

十日寄舍弟鼎鼎燕燕風雨未開草堂空蘇

生計依人轉寂寥別來心事向誰消鏡中華髮
隨年改溪上青山入夢遙對酒便思歸白社將
書不敢寄洪喬越情吳思渾無賴獨倚江樓送

暮潮

雲衣臨平道中寄京師諸友客中感懷

歷代詩選 明周至堯
雲外羣山縮翠螺馬蹄長是客中過關河樹色
秋光近驛路蟬聲晚更多千古心期空皓首百
年人事等滄波自慚薄劣頻趨走幾度因風想
玉珂劉劉士青山入夢幾度西風思歸白
春日雨中漫成次頤玉山韻兼柬石監征
十日春泥懶入城滿湖風雨未開晴草堂欲補
寧忘破沙鳥頻來莫漫驚橋外柳條隨意綠坐
間苔色傍人生緣知花事渾能幾好買芳樽對
客傾

寄劉孝章經歷

登湖

亦中

日出

共

意氣傾人記昔年東風飛蓋日翩翩花明古戍
春停騎月上清江夜放船老去交游誰更健亂
來蹤跡總堪憐山光水色渾無賴却數冥鴻野
外天
次韻送陳壽夫之湖州
識君雖早送君遲却愧相看在亂離十口一家
無別業此身何日是閒時青山滿路春船酒白
月空江客枕詩我有好懷誰得共鷗波千頃雨

絲絲

寄吳興張別駕

鴛鴦飛去潦波平
 曾聽驪歌憶送行
 南浦移舟官樹綠
 西亭酌酒晚風晴
 異鄉春近多新夢
 遠使書回足舊情
 欲識懷君無限意
 滿城芳樹亂啼鶯

春分送曹廣文賦得富覽亭
 危亭突兀丰城陰
 風物蒼茫入望沈
 萬古東南多壯觀
 百年豪傑幾登臨
 夜中日出扶桑近
 天

外江流灩澦深
 好趁歸帆拂天姥
 共憑寥廓寄微吟

蔣氏小瀛洲

茫茫人海小瀛洲
 靈草丰茸碧樹幽
 底用風輪通弱水
 時逢雲袂下浮丘
 天陰圖畫龍鱗濕
 月夜簫聲鶴背秋
 我亦平生有仙骨
 歸來同作采真遊

次韻願玉山見寄

白水青山杳渺邊
 每懷高節自茫然
 不從猿鳥

歷代詩選 明周致堯
疏名姓虛託鱗鴻問歲年燈外簷花清夜雨江
頭雲樹暮春天須知無限滄洲意渺渺東風一
旆懸

外韻 渡錢塘江
日出長江煙霧開越山吳樹抱江迴霸圖踪跡
空今古天塹東南有劫灰山郭雨昏雲似墨海
門潮急浪如雷舟師省柁須看客不數瞿塘灩
澦堆

西津夜泊
孤帆夜落石橋西橋外青山入會稽卧聽海潮
吹地轉起看江月向人低一春衰謝憐皮骨萬
國艱虞厭鼓鼙何處客船歌水調令人歸思益
凄迷

自圓送南臺察掾張志學赴都

蓬萊宮闕五雲間天上羣仙集珮環珥筆每同
花下散玉珂時聽月中還清秋幕府芙蓉靜白
日閉屏獬豸閒浩蕩天風吹鶴馭春朝入覲紫
宸班

次韻願玉山寄張子淵

險宦何殊闕九淵且將蕭散事餘年
風前白苧裁春服花外青藜挂酒錢
聖世敢云輕紱冕野人端合老林泉
養生况有封囊藥坐聽流鶯手自圓
春日常偕願玉山沈舟平家湖訪石仲德次
湖上春光生綠波湖頭柳色似新鶯
已知出郭塵誼少更喜臨流樂事多
穩坐蘭舟勝上馬新

裁苧服不須羅茆堂只隔東西瀼
隨意相從載

酒過

東南送僧住徑山

開士持衣登祖寺迢遙雙徑接空虛
清晨唱梵層雲表白日傳燈劫火餘
山抱郡城飛雉堞井通瀛海躍神魚
高情也愛談禪悅許近牛鳴便築居

琦元璞所藏趙子昂馬圖

進馭歸來日未西落花芳草滿春泥
也知櫪上

無凡馬牽過天閑不肯嘶

雙松圖

鑿鑿岷峨插彼蒼海波不動海天涼雙蛟化作
神仙去明月中宵劍影長

附高遜志

字士敏翰林院學士蕭山人寓嘉興

聞士送澄上人南還

東南多名山可望不可卽兵塵浩無際焉敢妄
行役如何浮屠師周覽思振錫而道不在遠去
去欲誰覓名相既虛假空焉訪遺跡真源浩無

窮尋流安有極古來超世人觀妙向空壁欲了
第一機終當絕聞得刁盡始知刁待彼衆緣息

辭寒適興

神理固莫測闔闢無時停萬物盈兩間森然咸
委形榮悴從大化胡爲勞其生悠悠念往昔飛
空如流星先哲邈難逮撫已空無成嚴霜被中
園蔓草猶青青晨夕自遊目亦足陶吾情

答徐以文

我本不羈士少年知遠遊結交盡豪俊英風邈

歷代詩選 明高士每
難儔浩然志四海龍斷非所求羣雄亂天紀誓
將除國讎驅馬向京邑道路阻且脩曠望空歎
息失計成淹留時哉苟未會白璧寧暗投耻同
五鼎食笑視千金裘袁絲尚游俠枚臯事俳優
知己竟不遇行藏誰與謀白日如逝水冉冉春
復秋人生久羈旅豈不懷故丘芳時倏徂謝悲
緒寒颼颼容華易憔悴安能常黑頭放歌吳門
市洗耳長江流雖然不得意常爲蒼生憂心隨
去雁遠日送孤雲愁夫子東海裔濟代多良詩

既無陳仲舉雖賢罕見收何如共脫屣速駕赴

滄洲

有感

退之少苦貧干祿頗浮躁長安三獻書時宰終
不報飢寒日哀鳴踰壯已曠耗向非董張徒宦
轍誰與導少年屢摧抑大器天所造苟不涉患
難尤足長雄鷲嗟余樗散材時邁未聞道雖云
寡知己敢忘固窮操徇利多乞播賈名爭媚竈
薄俗諒如斯何事傷懷抱

寄陳彥博奉常

雨收山氣佳日入川光暝
岍嶺倚孤松飄蕭發
清興花藥紛滿畦桑麻鬱成徑
西林宿鳥歸前
溪漁榜定曠望絕人踪
坐愛郊原靜撫景念徂
春思君一觴詠

此

違世甘濩落撫已徒憂勤
既通金閨籍方思策
奇勲胡爲竟殺翮復與沮溺羣
念往每懲咎縱

學求多聞朝飲西澗水
暮宿東山雲境靜息疲
藹心清遺垢氛森然富藻思
載道非空文尚賴
特立操千載揚清芬

其二

積雨滿污瀆蛭螾聊自藏
盲飈振脩簿篋露依
崇岡動植各生遂伊人獨何傷
謫居窮田野與
世殊相忘緬懷昔憂患髮短心日長
所願免飢
渴孰敢謀膏粱戶庭罕遊跡琅然誦文章
歡來
意自得遐想超黃唐從此遂閒逸
投老終徜徉

其三
鱣鯨擊洪濤一躍龍門登驚風落潮汐失勢投
岡陵鬢鬣日已槁窮涸何由興翻爲猿獼笑敢
望餘波騰畸人感物理冥思多所徵雲翔避繪
弋淵潛避笱簪胡爲徇世務輒軻常兢兢勗哉
保素履勿貽人所憎

其四
荆璞不善藏輕售與時競雖無泣玉耻弃捐揜
光瑩伊余昧先幾妄往成蹭蹬貪得違素心徇

名忘積行通籍曾幾時三年絕朝請久睽徒侶
歡轉失鄉黨敬剝喪匪偶然且委時與命

其五

功名期宦成文章止詞達千載求全能如何罕
奇拔夙抱稽古志纂言窮彙括幽闡天機深精
思元化幹豈徒責皇猷將以繼往轍于今不自
足乃復耻被褐好爵難久縻世途多慘怛放意
樂丘園長歌襟抱豁
同是送程彥明之松江人與來餘賦
限去更

歷代詩選 卷六十三
同是他鄉客俱爲避地人興來猶浪迹別去更
沾巾山路常疑雨江花已報春荒煙投遠戍落
日扣通津樵笠歸墟盡漁簑度水頻揚帆驚宿
鳥鼓柁駭遊鱗俗薄誰知己時危不計貧飄然
滄海上也欲共垂綸

移居爲錙朝佐通守賦

佐郡辭簪紱移居遠市廛樓高饒爽愷地癖喜
幽便芳樹層簷合嘉蔬隙壤連承顏傾孝敬視
膳沃肥鮮製錦聲華滿分符惠化傳輿談誇息

駕醇飲愧張芝繾綣情彌厚殷勤意更專銓曹
行考績未許賦歸田

題江行初雪圖

宿雲黯慘埋巖壑疾風颯颯梢林薄孤舟擺浪
何處來雪片縱橫向人落一翁簑笠度危橋一
翁荷擔轉山腰崖傾石凍行偃僂不辭辛苦歸
途遙君不見軟裘貂帽馳快馬遮莫冰花徧原
野人生得意能幾何相逢俱是窮途者

送徐照磨從軍

歷代詩選 卷六十三
長淮奔流東到海環疆千里多名都其風剛勁
自古昔異才挺出無時無徐君夙負青雲器少
年猶覩承平治操筆嘗隨驄馬行文史由來曾
歷試蕪城繁華天下稀揮金佩玉爭光輝干戈
一變莽蒼出君亦迓難吳江滑故鄉悵望歸未
得太藩開府先推擇英聲洋溢動當時彈冠再
作諸侯客襟懷絕似南湖清王事賢勞心靡寧
亂離幸得倅鄉郡欲往豈料邊塵驚聞道元戎
飛薦鶚掀髯應辟青油幕戎嚴何必屬橐鞬等

閑談笑三軍却扶顛寔藉英雄材欲成勲業須
時來嗟余何日去環堵與君携手黃金臺

次陳彥博博士寒齋四詠韻

窮經夜焚膏晷短歎冬日孤影戀餘光趺坐寒
齋寂寞思聖途遠時邁恐無及假寐竟忘疲
牀散縹帙

霜寒陰始凝剝盡陽來復因觀薪火傳悟此道
機熟汲井烹露芽聊饜畸人欲滌慮蕩塵昏神
清光溢目

歷代詩選
明高士錄
薄宦不成名歸來聊藉手窮通每自悟得喪復
何有誰云松栢林而不生培塿邈矣歲晚期微
吟思靜守
跌坐擁重衾靜聽窗間雪心清文思深理會塵
情絕良璞須善藏素衣還易涅坐久覺光生東
軒上寒月
右擁衾清坐

贈章安甫老人

籃輿迢遞出郊坰野服翩然鶴髮星柱史不辭
周問禮伏生須爲漢傳經汀洲水落蒹葭老澤

國霜寒橘柚青自笑隱淪綠底事時危蹤跡一
浮萍

徐德原司丞隱居

放棹南湖春水深昔年遊覽得重尋陶公未許
辭彭澤龐老那容隱漢陰落絮雨餘霑墨沼遊
絲風暖罨書林自憐久客渾無賴亦欲携詩與
盞簪

送宋時中還海昌兼簡王好問提舉

十年湖海共飄零蹤跡渾如水上萍宋玉愁多

成九辯王通思苦續羣經鯨波日落千尋碧鶴
嶺雲開萬疊青君等懷才須世用弓旌早晚出
虞廷

簡蒲菴長老

論交猶憶自前朝亂後誰憐意氣消元亮歸來
依惠遠少游客久遇參寥山房黍熟供蔬甲石
鼎茶香薦菊苗名勝想無今古異禪龕容我避
塵囂

寄蘭照磨

天開泰運息兵塵建業千年王氣新虎旅南征
收百粵龍旂西指定三秦春明紫禁煙花繞日
麗彤樓燕雀馴朝罷從容須獻替要舍膏澤及
斯民

次趙耘軒見寄韻

曾遊海上望蓬萊結友惟尋世外才弘景已聞
勾曲去圖南重見華陰來大鵬奮翼輕千里獨
鶴凌風徧九垓我亦吹笙雲漢侶誤嬰塵網轉

堪哀

城南小隱爲松江郭彥禮賦

步屨幽尋古岬隈柴扉正對郭南開林間野徑
穿雲入溪上春潮待雨來過客停杯歌白苧隣
翁吹笛坐蒼苔羨渠高隱空相憶浪迹多年素
髮催

題倪雲林竹石

卷石不盈尺孤竹不成林惟有歲寒節乃知君

子心

題畫

窈窕雙青蛾流盼瑤臺鶴自怨鎖芳塵似欲遡
寥廓

題水雲深處

落日汎南溪野艇沿流去隔水望縵家雲深杳
何處

題凌媪隱居圖

陶令歸來日躬耕不厭貧問誰解同志賴有翟
夫人

題扇

雨過蒼苔石幽篁翠色浮南軒曾對此蕭灑憶
清秋

墨梅為李鍊師賦
誰向隴頭來寄此一枝雪莫負歲寒盟道人心
似鐵

題紅梅

紅綻南枝玉芳姿綽約新不將明媚色競逐艷
陽春

茗川夜宿

山繞荒城水自流霜空月色滿溪樓夜長歌枕
渾無寐二十五聲都是愁

龍江旅舍

岼回山轉疑無路潮落江清淺見沙睡覺蓬窗
寒日上不知身在野人家

次薛鶴齋真人見寄韻出戴宮白詩韻

羸得閒身便入山只留名字在人間最憐白髮
多情者直待移文始厚顏

題陸濱村舍壁風又長一竿

記得移家白露時秋風又是一年期獨憐零落
溪邊柳那得長條繫所思

絳桃不似曉粧紅恩譴多年出漢宮自惜傾城
多薄命莫教明月照閨中

梅子初黃晚雨收閒身猶着木綿裘誰憐白苧
新裁就回首西風又是秋

次陳彥博太常南湖閒步韻

乘閒迂步共尋僧家住寒山第幾層自許他年
挂冠去幽棲終不愧孫登

題盧元佐所藏江山圖

結茆曾住白雲間遊宦多年客未還開卷偶然
鄉思動數峰渾似鄂州山

附鮑恂

字仲孚秀水人
有西溪漫稿

三友詩

友道日凋謝伐木久無詩詎謂草木間友道反
不虧娟娟白玉英落落蒼龍枝復有青琅玕歲

晏以爲期相看冰雪中節槩不少移豈不念軾
軻守貞理所宜物性尚如爾人情良可悲勗我
三友交吾當視爲規

題吳仲圭平遠圖

蒼山遙遙幾千里綠樹參差碧空起雙帆忽從
江上歸影落斜陽濕秋水林陰蒼莽鳥不飛石
徑蹭蹬行人稀松根可以縛茆屋沙尾亦足容
漁磯我嘗西遊倚江閣極目長空入寥廓好山
不肯過江來恨不乘風跨黃鶴吳君畫手當代
無落筆何年成此圖安能着我巖壑底相覓老
樵尋釣徒

題五雁圖

薛生三鳳世所稀荀氏八龍殊絕奇郭家兄弟
稱五雁孝友尤爲人共推當時八月驚飈起五
雁分飛隔空水十月天清五雁歸相呼相喚花
蘆裏我識郭家五弟兄早學書詩俱令名開圖
見雁發深感萬里長江無限情我今試與五雁
語從茲休落瀟湘去瀟湘水深多網罟明年花

發玉階春玉階鴛鴦多如雲願汝飛去同為羣

南風琴送王文伯之任

重華宮中白日長山龍綉爛垂衣裳玉階朝罷

南風起干羽不動生微涼是時治定作韶舞中

有桐琴音最古坐把五絃為揮弄不覺南風滿

窗戶一彈民愠解再彈民阜財直令四海億萬

姓熙熙鼓腹登春臺時有五色鳳飛來表休瑞

雖離玉階前亦感重華意重華之意良苦深意

在生民不在琴九疑雲冷世已遠人人爭欲聞

其音祗今重華御八極每彈五絃長歎息南風

長養百餘年黑髮蚩蚩豈能識我持此歌送使

君生民久待南風薰承宣政是君所職願早流

播人間聞

題吳越兩山亭

新亭卓絕倚雲端兩岫青山繞畫欄衆岫西來

馳萬馬數峰東去跨羣鸞海門帆影煙中見江

樹秋容雨後看千古興亡無限事邊城又聽角

聲寒

題扇

松陰翠落千崖雨瀑布泉飛百丈冰六月山人
長衣衲不知人世有炎蒸

除夜偶成

絳蠟高烧爆竹鳴羣兒奔走喜還驚老夫識得
春來慣直伴梅花睡到明

李進

字孟昭海鹽人
號西園居士

遠別離

舊別離新別離人生別離無定期前年郎遊蜀

山去今年又客黃河西黃河之水直向東海流
滔天捲地無時休不洗人間離別愁蜀山崢嶸
嶮而固六龍回日車猿鳥亦難度不斷人間別
離路別離之情良可傷白日苦短關山長關山
長白日短鑿山填河河又滿河又滿愁難平妾
顏未老郎無情

題耕織圖

西疇昨夜膏雨足村村綠樹啼布穀農夫相喚
整鋤犁早起驅牛出茆屋土腴牛健耕易深暖

雲籠日春陰陰斜陽未下終十畝一卷道經行
自吟山妻相敬如賓友炊黍烹葵饁南畝溪邊
濯足隴頭坐高歌且盡壺中酒年來不用憂旱
澇高田宜黍低宜稻官租納足食有餘社酒雞
豚自相勞人言耕夫苦我道田家好但願五風
十雨年穀登室家團圞永相保

其二

吳蠶作蠶明于雪苕霑之水清且冽東隣西舍
繰車鳴銀絲出盆光皎潔官稅已輸私債還美

人曉織綠窗間嬌鶯睨睨機聲度春筍參差玉
指攀織成素絹堅且緻先奉翁姑後夫婿朔風
吹木霜霰飛夫不憂寒妾如意君不見青樓艷
女好蛾眉留客高歌送酒卮纏頭蜀錦不知數
黃金暮盡朝別離不如田家荆布妻貧富苦樂
長相隨採桑養蠶繰好絲年年織絹製郎衣

題畫松

君不見靈隱山前小朶峰入山九里皆青松怒
濤翻空捲江海高枝挂石蟠虬龍西湖三月春

歷代詩選 卷六十三
意濃錦囊駿馬呼奚童清陰夾道生爽氣金粉
撲面香濛濛兩年不踏湖頭路轉眼春來又春
暮畫中忽見一株松彷彿山前幽絕處幽絕之
處多仙靈吾獨胡爲縛塵纓寄謝仙靈許同隱
準擬長饒尋茯苓

丹陽道中

茆屋雞聲催早起僮僕相呼戒行李擁袍無計
衝曉寒野店村膠薄于水羊頭小車鐵裹輪後
催前挽聲麟麟平原極目但衰草西風忽起迷

沙塵坦途纔過十里餘行行曲磴多崎嶇松林
杳藹不見日凍霧作雪沾衣裾黃土山岡高復
隄車夫努力成牛吼須臾下坂一何易勢若駿
馬爭先走嘗憶當年未爲客縱覽方輿徧圖籍
太行蜀道雖漫聞七里八岡今始識男兒初生
挂弧矢豈分拘拘老松梓他年會作子長遊賸
賦新詩滿人耳

幽居

雨後看新水天空望遠山入雲蒼隼健坐浪白

鷗閒酒盡壺還貴詩成字重刪才疎信樗散非
爲惜朱顏

過湖

歸心喜便風孤棹出吳松
急雨捎寒浪殘雲逐斷鴻
漁人舟是宅龍伯水爲宮
浩蕩煙波裏長吟興不窮

溪居圖

畫裏溪山好溪亭事事幽
闌干三百水風月四時秋
時時老時分席漁人每繫舟
此中容隱逸何

用覓丹丘

晚次昆陵

舊壘斜陽裏孤舟野水濱
高風懷季子俠氣想春申
樹古鴉啼暝橋危客問津
漁歌何處起旅泊易傷神

題畫

淡墨寫生縑微茫景色遙
白雲迷谷口綠樹遶山腰
此地真堪隱何人肯見招
浮生但適意不必問漁樵

擬賦新宮

海宇澄清泰運開
城懸北斗任蓬萊
金銀宮殿千門啓
玉帛衣冠萬國來
瑞氣氤氳籠寶座
仙韶縹緲奏瑤臺
微臣幸際明良會
願獻神堯萬壽杯

過徐州

官船千里過彭城
陳迹荒涼草樹平
項籍臺空無舊業
坡仙樓在有餘清
天邊夕照孤帆影
洪口春雷白浪聲
過客題詩成感慨
青山猶帶古

今情

春興二首

聽殘鶗鴂雨中聲
歲歲芳時不稱情
酒債詩魔縈病骨
柳煙花霧鎖愁城
登樓此日思王粲
作賦何人薦馬卿
見說滄浪歌可愛
投簪東海濯塵纓

午睡沈沈飽墨甜
惱人幽鳥語前簷
扶頭酒醒猶欹枕
花信風高不捲簾
世味久諳刀上蜜
人情已識水中鹽
知心只有青青竹
冷淡相看更

不嫌

王母瑤池圖

臺殿參差近碧天
房櫳屈曲窈相連
瑤池淡淡涵秋月
珠樹濛濛護曉煙
雲外鳥來知七夕
風前花落是何年
恢諧却笑東方朔
三度偷桃未得仙
骨味酸甘露逾然
如登懸北日思王藥
春暮有懷李孟璿
暖雲無力度隣墻
風裊遊絲拂地長
深院獨眠淹病酒
袷羅初試淺熏香
新巢燕子來知約
未

謝梨花待洗粧
綠草滿池春欲去
幾隨詩夢倒君傍

紅白蓮花

翠蓋亭亭映碧漪
濃粧素質兩相宜
華清賜浴春酣後
虢國承恩月上時
錦障風輕波潏灩
玉杯香冷露淋漓
茜裳又作霓裳舞
清曉來遊太液池

題豐樂樓圖

錢塘城郭帝王州
勝槩千年尚有樓
南浦雲開

珠箔曉西山雨歇
畫闌秋玉人歌舞
成春夢芳草王孫
非舊遊物換星移
餘事在蕭條殘墨
不勝愁

漂母墓

淮陰城下有荒墳
過客維舟慘壯魂
一飯當時非責報
千金異日果酬恩
雲迷馬鬣封難認
草沒龜趺字已昏
多少英雄困貧賤
世人誰肯念王孫

淮陰懷古

淮浦南邊曉繫舟
擬尋遺迹弔韓侯
酬金墓在蒼松古
仗鉞壇荒碧草秋
功金良何誠不忝
生儕絳灌亦堪羞
風雲消盡英雄氣
楚水無情日夜流

題畫

飛花入簾宮漏長
遊絲落絮春茫茫
金鞍駿馬青絲勒
綺閣小姬紅粉粧
黃金作丸落花底
啼鳥隔花飛不起
明朝更欲載東風
早買樓船放春水

金橋柳色

官橋送別繫蘭橈官道垂楊拂畫橋
煙鎖翠眉如有恨日搖金縷不勝嬌
渭城朝雨離筵散灞岸東風客路遙
君上皇都春又晚花飛晴雪映
趨朝

畫竹

解籜初聞粉節香拂雲又見影蒼蒼
鳳凰不至伶倫老無奈荆榛特地長
世金銀何補不亦主

潯陽向上不通潮離別河邊縮柳條
回首可憐

歌舞地玉人何處教吹簫

西湖夜宿

塞驢衝雪听烏紗夜醉西湖賣酒家
十六吳姬

吹鳳管捲簾燒燭看梅花

附李孟璿

訓導汝寧有南莊集

獨漉篇

獨漉獨漉愁人心泥水没人濁且深
明月不可見明珠那復尋
昨夜牀頭三尺鏡躍鞞時驚吼

嗚咽父仇未報耻未雪休論明珠與明月羣象
不須斷蛟鱷不須剪與仇戴天古所戒獨漉獨
漉君當勉

坦然老人歌

坦然老人真坦然不求才行人間傳不賦蜀道
難懶和滄浪篇送窮乞巧皆無言坦然心地何
所似皎皎白日懸秋天桑麻田松菊園乃在武
林清溪邊榜溪茆屋只數椽朝出耕夕安眠兒
女嬉笑南窗前皇天平平無黨偏坦然老人真

坦然我欲移家相近時周旋

聞茲烏夜啼前紫青鸞飛過計此春彩香令

烏夜啼向何處啞啞繞妾庭前樹天涯遷客天
應憐烏亦有情啼不去定知明日天恩到天遣
啼烏夜先報烏今烏今從爾啼爾知妾苦爲妾
悲妾自促寒機織錦製郎衣衣成寄遠道願郎
衣着蒙恩早郎衣錦歸有時爾烏長宿庭前枝

題山水圖

大江之南多衆山層巒疊嶂青迴環山中去天

不盈尺我昔與客嘗躋攀凌空直上最高頂恍
 然身世非人境蟠桃子熟近瑤池船藕花開通
 玉井下視羣峰列四傍蒼松古木煌茫茫琳宮
 梵宇互隱現丹厓翠壁相輝煌別來尋常形夢
 寐忽見此園無乃是浩歌寄謝山中人目送飛
 鴻去千里
 高次韻艷體
 閒苑迢迢碧海深青鸞飛斷信沈沈春深香冷
 銷金帳夜靜聲閒綠綺琴帶雨游雲頻入夢落

花啼鳥總傷心玉簫何處吹明月日斷關山不
 可尋

玉筋雙垂出漢朝胡塵滿騎路迢迢琵琶曲盡
 腸應斷環珮魂歸恨不消沙起黑河風冽冽雲
 埋青塚草蕭蕭黃昏獨有荆門月長向空村照
 寂寥

和孟昭春興

憶過蓬萊海上家春風長日駐韶華九天風度

瑤池樂五色雲迷玉洞花雷煥多情求寶劍葛
 洪何處得丹砂到來彷彿三千歲夢落紅塵隔
 紫霞

題金碧山水

雨餘山色暖凝春人掩柴門卧夕曛江上圖書
 和月載山中雞犬隔煙聞東風瑤草香初滿流
 水桃花路不分此處仙源知不遠底須騎鶴訪
 茆君

陳約

字博文嘉興人山西右布政使

促織吟

促織何唧唧一片秋聲滿虛碧昨夜啾啾語牀
 下羸婦唧唧淚流臆婦言上有翁痴女未解櫛
 丈夫晝作田何以事促織促織胡爾為促織胡
 爾悲空階月白風淒淒豈不聞高樓女兒畫雙
 眉春來秋去蠶不知越羅蜀錦花滿枝

其二

促織何唧唧我聞婦言重於悒歎生不逢堯舜
 時天下干戈未休息且無八百桑又無二頃田

江湖事筆硯卒歲衣裳穿促織有靈性促織聆
我言江天木落秋無邊胡爲夜夜啼我前不聞
民間征輸憑星火里胥鞭笞淚盈把

爲威德中題古巖

古巖之巖深若壺壺中之樂神仙都不知幾世
幾千古無乃出乎上古之古初巨靈劈山山盡
裂秦王驅石石爲竭先生此巖獨無恙先後迥
同天地滅卽今巖谷易變遷海波朝暮成桑田
此巖亘古常晏然更祝不崩亦不騫永與南山

同乎千萬年

良人二月二日友人王景萬園中牡丹初發景
萬置酒邀余賞之因令作詩以發其不
平之鳴爲賦七韻

江南二月氣初淑牡丹葉抽攢嫵綠插竹成竿
扶婀娜築臺盈尺增發育不與桃李爭春風豈
逐繁華共麤俗待看淑氣過艷陽杏桃落盡無
餘香數枝獨殿百花吐天然富貴輕尋常萬紫
千紅總俱後芍藥茶蘼顏亦厚吁嗟世事何不

然且盡花前一杯酒

錦屏仙踪

赤城多竒山錦屏亦殊勝不知是何仙遺跡在
幽徑松霏麗石牀竹雪墮風磴徘徊對巖花考
槃樂笙磬

寄鄉中諸故人

相逢何必論萍蹤旅食京華又朔風老去豈知
身入宦覺來全覺夢成空鱸魚故國蓴絲晚雁
影寒江木葉紅爲問南湖湖上月幾時詩酒共

諸公

天壽日侍宴

山龍黼黻殿中間象貝犀琛貢百蠻星拱已歸
天北極嵩呼齊祝壽南山瑣窗虹貫金蓮炬丹
陛春聯玉笋班白髮老臣何以報也霑恩渥駐
蒼顏

懷盛玉全

海上青山我昔遊別來回首十經秋諸峰羅立
應如舊獨客棲遲尚此留每恨親朋多阻絕欲

傳書信恐沈浮憐君只在秦溪上相見何時解
去舟

偶成

京華二月天氣好寒食已過清明來畫樓朱箔

燕新語綠樹清江花亂開

陳綱

字簡文有竹集約之弟

鵲鵲圖

露冷蓮塘水葉枯秋風枝上鵲鵲孤
俱分散水落沙寒日又晡

題扇

五湖煙水滌生波一葉扁舟鼓枻歌
遙想故園戎馬後千章喬木已無多

秋風吹上老漁舡蓴菜鱸魚味自便
對此雲山無限好不須圖畫入凌煙

陳繹

字思文約之弟

和吳景長秋興韻

瀟瀟風雨洗秋旻頓覺乾坤萬象新
畫棟雲飛嗟帝子銅盤露冷泣仙人
鳳凰覽德翔千仞燕

子辭巢別故隣欲頌河清獻明主天顏一笑物
皆春

桃根接梅冰與霜

未見東風着小桃先看蓓蕾綻紅椒種從王母
來時度魂向羅浮夢裏招妙奪天香回造化巧
將雪色補嬌嬈一聲鐵笛春歸也回首秦源道
路遙

題竹

叢篁不盈尺葉葉生秋風鳳凰何時來食實巢

其中

陳緝

字熙文約之弟

白苧詞和沈孟明韻

盈盈窗間女悄悄事編織明明紅粉粧皎皎瓠
犀白妾身不作清露塵妾顏不學巫山雲藁砧
年少事游俠閉門花落愁青春瑤階蟋蟀鳴金
井轆轤響綆絕誰再續因之重惆悵河東織女
河西郎深夜起看登秋堂翠翹銀鳳綠雲繞錦
屏繡褥春風香昔為連理枝今成斷腸草鸞去

鏡空存膏沐為誰好妾顏漸改非昔年天上明月何娟娟東家女子盪舟去玉手不採湖中蓮蓮生藕有絲零落怨秋色花開猶有時花落恨無跡問郎欲歸趨何時念妾日夜愁空閨白頭鴛鳥不飛去海枯石爛雙依棲

壽仙曲為愛山翁

仙人愛山山中居白雲為裳霞作裙山田種石不種穀石子千載成瓊琚梧桐高岡生鳳雛鸞停鵲時相追趨東風吹花暎繡襦花下拜舞為

歡娛松泉遶溪溪遶屋琅玕青青瑤草綠朝度商山歌紫芝莫過藍田餐白玉仙人玉立頰而長龐眉皓首雙瞳方酬歌未終樂再張王喬赤松皆在傍阿母來遺蟠桃香青鳥兩兩先翱翔雙成飛瓊羅雁行巢笙吹徹丹鳳凰敲金戛玉聲鏘鏘飲以九醞瓊瑤漿一酌精氣流肝腸神完骨躄筋力強再酌毛羽生微涼仰視六合思飛揚何當更酌富翁壽後天不老獨三光

雨巾期張天傳以無舟不至

太乙馮虛不用舟，卧乘蓮葉渡中流。
斗牛夜射蒼精珮，風露寒生紫綺裘。
地隔蓬萊無萬里，鶴歸華表又千秋。
仙家縮地如無術，安得相從到十洲。
次吳景長秋興韻。次嶺丹鳳凰。金夏王
十年朋舊總飄零，喪亂無書問死生。
深院銀燈挑錦字，小樓明月理瑤笙。
霜寒菊徑思元亮，秋老瓜田憶邵平。
悵望佳人淚如雨，夜深腸斷楚歌聲。

似張天傳

市涇真士有張騫，蚤歲辭家願學仙。
古匣龍蛇秋仗劍，石壇星斗夜朝天。
洞中雲暗長疑雨，鼎內丹成不計年。
欲試囊中殮玉法，明朝相約過藍田。

和大兄甲辰歲九日見寄

霜後山林落葉稀，黃花采采繞柴扉。
催租吏去生秋興，墮帽人酣又夕暉。
歲歟欲求菰米飯，天寒偏怯芰荷衣。
風塵如此須歸好，手把長竿坐

鈎磯

送周煥文從唐伯剛之吳興

碧瀾堂下卽吳興十里芙蓉繞石城山簡歸時
應倒載條侯醉後尚談兵蘋洲雨過秋聞雁橋
里春深曉候耕事簡好將樵唱曲水精宮裏坐
吹笙

東吳中永樂寺住持鼎虛中

梵王樓閣冠吳中雲繞諸天會法宮寶藏夜明
珠出海花臺燈暖雨隨風庭松回指思玄奘隴

月迎人識贊公劫後相看情倍好詩成須寄具

區東

過潮音菴訪澄海性

潮音精舍水中央寂寞松門掩夕陽翡翠蘭苕
依水渚鷓鴣鷓滿魚梁香浦柏子春雲冷冰
滴蓮花夜漏長人世干戈嗟擾擾欲從苦海問
慈航

送道士謝清一歸吳中

丹鼎紅光照洞庭天壇月色帶疎星玄都道士

蒼精劍上界仙人白鳳翎
闔闔朝回天蕩蕩
葉珠經盡晝冥冥
欲從杖屨秋山裏
風雨篝燈采茯苓

次原素上巳韻

落花如雪委蒼苔
百歲逢春復幾迴
流水羽觴嗟寂寞
石田茹屋未歸來
舞雩風暖宜童子
脩禊書成屬俊才
故舊相看情倍好
雅懷今日爲君開

次近仁韻

長袖方袍墊角巾
逍遙天地一閒身
庄廬結社邀元亮
鑑水維舟待季真
飛絮游絲留白晝
野花幽草自長春
林間無地容塵俗
祇許先生與卜隣

秋夜懷明本

溪聲淅瀝起蒹葭
溪水潺潺漱白沙
大地星流還化石
小窗燈冷不成花
江淮烽火三千里
城郭人民八九家
避地欲尋張博望
月明滄海汎靈槎

海上述事

浮生南北任流萍漫刺江湖憶禰衡雁去關河
愁萬里潮來江海月三更燐光夜伴蛩蟹泣妖
氣晴連蠨蛸橫欲向靈氛問人事中原何日可
休兵林文獻題本
野徑荒涼日欲晡林棲水宿遞相呼汀洲霜冷
蒹葭老山路秋高苜蓿枯屈子壯心能忘楚武
侯遺恨在吞吳便從海島尋蓬島先向鵝湖下

鵝湖

式麻整前山世道大取

川文王靈詩

憶昔扁舟過洞庭長懷七十二峰青三年跡弛
吳中客十載漂流水上萍作賦便思招海賈移
文無復愧山靈碧天寥闕秋如洗願借仙家白
鳳翎

東山題馮克敬清風軒

層軒脩竹翠重重萬葉秋聲吼箨龍冰盞蔗漿
凝瑪瑙金盤玉露瀉芙蓉脫巾挂壁雲根淨拄
笏看山爽氣濃滄海月明歌舞地儘堪留客共
從容

春波漁傲爲王原魯賦

猩袍自脫換羊裘鼓枻長歌上釣舟山澤有人
能忘漢熊羆無夢可與周綠波芳草西湖土細
雨斜風古渡頭不是忘君與忘世盛時原自有
巢由強燕京滿都風神

雨中

日日江村聽雨眠風塵萬事總堪憐漂流未見
民歸業賦歛重教出市廛壯士有戈回白日豎
儒無術補青天故園夢想荒蕪徧茆屋蒼苔老

石田

留春古巖爲臧德中賦

蒼然壁立聳高寒元氣淋漓濕未乾開闢自天
留澗壑巉巖如玉倚林巒壺中樓觀金銀氣洞
裏神仙日月丹擬欲捫蘿遊絕頂佇聞環珮響
珊珊

禁煙日簡長如仲如二昆弟

朱闌六曲舊池臺甲帳珠簾已劫灰舊鬼煩冤
新鬼哭前人遺怨後人哀誰將天地爲棺槨忍

見英雄化草萊惆悵故園猶未返
野花無主爲誰開

湖頭誰復載吳娃
漚鳥多情戀白沙
涪萬春深無杜宇
武陵何處有桃花
雨餘石燕晴歸穴
市近山蜂午報衙
看到前朝丞相墓
野人翻土樹桑麻

禁煙日懷大兄

留春無計願春遲
花落空山有子規
翡翠樓香來杜若
牽牛引蔓上棠梨
文園多病猶爲客
杜

老應門亦有兒
田野寒煙不須楚
罷民無食已多時

觀醮

雲龍風虎護重關
羽蓋霓旌繞石壇
金闕九天開闕極
玉京羣帝集仙班
秋橫劒氣連星斗
朝罷仙音襍珮環
一點英靈渺何處
夜深應共鶴飛還

吊古

投箸渡江江水空
朝馳淮海暮吳中
江東壯士

輕王猛吳下諸公失呂蒙山鬼有靈啼夜月野
花無主怨東風盡將骸骨填溝壑誰在雲臺第
一功

題張原素書舫齋靈樹同歲公不惠共詩

水光雲影欲連空長日吾伊或倚篷天上星槎
張博望座中人物米南宮歌臨赤壁舷仍扣夢
入山陰路可通遙憶舵樓同晚飲幾回搖盪月
明中

竹枝歌次韻

贈君曾出雙南金別君曾彈紫綺琴斷金還比
阿奴意斷絃還比阿郎心
期郎歸時明月圓明月已圓郎未還妾顏不比
昔時好郎心不比昔時堅

石倉十二代詩選

明詩卷之六十三 終

石倉十二代詩選

此種秋湖心不以此青報望

俱與龍翻即月圓明月圓明未幾其意不以此

幽於意商絲翠其圓明心

飲昔會出變南金限其會與樂絲其酒金還出

石倉十二代詩選
明詩卷之六十四

豐城朱善著

大明

後學曹學佺閱

貞永歸令
美貞婦方氏也

冬蘭青青列于階庭風雪所撓不枯不榮
冬

竹猗猗蔭于戶牖冰霜所摧不萎廼秀
彼美

貞婦志潔行高皃皃朝夕不敢怨勞
有蘭之

幽有竹之節守義不渝之死靡慝
夫也天只

孰忍忘之子之幼矣誰其將之
夫也天只孰

歷代詩選 明倫一序
恐負之子之幼矣誰其顧之
適彼南畝言刈
其麻我勤于績以定我家
適彼南圃言採其
桑我勤于蠶以實我筐
爾筐既盈爾家既寧
廼教爾子勤于六經
學業既優克忠克孝維
子之賢繫母之教
載歌蘭竹續彼栢舟猗歎
方氏共姜之儔
美蘭則有馨竹則有筠
嗟婦之
貞永保令名

遠別辭送餘干令李謙山
風淅淅兮雲悠悠木葉落兮天宇秋
君胡爲兮

不返嗟客子兮淹留攬西山兮秀色泛東湖兮
弄明月樂莫樂兮新知心奚忍兮輕別山有虎
兮湫有龍勞余思兮忡忡渺餘干兮何許揮五
絃兮送孤鴻寫桂棹兮蘭舟摻于祛兮夷猶南
州雖好兮不可以久處嗟子去兮何以慰我之
離愁

漁父還劍辭

日之將夕兮道阻馬罷波流浩渺兮孰拯其
母可躋兮亶也其時子兮不度兮後悔可追爾

歷代詩選 卷六十四 三
劍雖寶兮余無所用之豺狼在野兮水有蛟螭
子持以往兮慎所歸履信蹈義兮毋倒行而逆
施吁嗟遠遁兮後將余思

望雲圖詩爲廣州大使熊悅作

瞻彼西山麓白雲何悠悠吾親舍其下望之懷
百憂浮雲不可卷逝水不可返遊子悲故鄉別
親日已遠雲飛可逾嶺母老難辭家豈無其旨
具奈此道路賒昨日鄉親來老母幸無恙殷勤
附書去慰母倚門望阿母望兒歸兒歸未有期

願母加餐飯慰子長相思人言居官好何似還
鄉早他日乞身歸共舞老萊衣

賦舟中書所見

五牛牽一車四牛曳一犁耕田不費力運物豈
愁遲露冷草枯候天寒稻熟時農家享快樂父
子共熙熙

又

清河五百里觸日興悠然客用驢馱物人驅牛
曳船魚鮮堪換粟棗熟不論錢安得移家住教

兒學種田

客省使溫田王西域人也載酒過翰林痛

飲且留詩因和其韻

金臺載酒詞林聚吟詩彷彿陰鏗句共是東西
南北人依然雲路還相遇君言我賦有金聲我
亦憐君如玉樹摘詞已喜錦生花屬思尤如繭
抽緒且將綠蟻注清樽莫遣烏鴉驚列炬夏宵
苦短君意長忽覺雞鳴窗欲曙請君上馬早朝
天我亦束衣從此去

長短句

翁騎驢兒牽車童子荷擔相追隨風淅淅草淒
淒阿兒苦寒翁苦飢翁雖不語心傷悲吁嗟薄
命當訴誰遼東雖云樂不如早旋歸

九月初一日庚午出龍江驛

清晨辭鳳闕薄暮出龍江父子趨殊域詩書化
異方楚山雲渺渺遼海路茫茫但願身長健他
鄉卽故鄉

甲戌過桃源驛

迥與武陵異偶然名字同祇知迎驛使豈識問
漁翁危質慙蒲柳浮生愧梗蓬何由訪仙境不
與世人通

青氣八日丁丑至徐州城老妻病歿倉卒葬畢

揮淚登舟而去

病妻中道隕倉卒奈渠何老眼淚雖少中心痛

已多椒漿惟自奠薤露竟誰歌莫作他鄉鬼孤

魂寄薜蘿

辛丑入安山湖

湖水渺無際篙工訴苦辛天風能送客川后不
淹人風浪排空濶雲山入望頻此生隨萬物何
必獨傷神

去亦庚寅入壽光縣界

浙浙風中黍蕭蕭露下桑始驚時物變轉覺道
途長報國心常赤思家髮已蒼故鄉頻入夢煙
雨暗前塘

辛卯趨稻田驛

涼風吹古道落月照空山雁過人開戶雞鳴客

度關愁多心緒亂身老髮毛斑欲就君平問
行幾日還

聞雁

汝向江南度江南我故鄉雖無書達意却有淚
成行淺水浮蘋藻良田足稻粱秋來鷹眼疾去
去亦須防人壽

丁酉至蓬萊縣

兩年居禁苑一日至蓬萊海上煙波隔人間歲
月催野鷗從此泛仙鶴幾時回惟有玉喬鳥雙

鳧數往來

廿九日戊戌別刑部從事仇文炳

累月陪歡笑君歸我獨行幾時重會面異國倍
關情匹馬回京遠偏舟過海輕故人來問訊憂
喜轉相驚

望嗚呼島

五百田橫士中心出至誠寧爲同日死不苟一
時生島有嗚呼號人留慷慨名至今觀信史遺
恨幾時平

歷代詩選 明朱一廉 卷六十四 七
至金州驛和軍中秀才柴景岩韻

邂逅金州驛蕭然一旅人身居滄海外家在大
江濱酒至愁先醉詩成覺有神相看兩不厭孰
爲王和賓

與金州張王二指揮同宿諸窩鋪

海舟曾共濟山館復同眠
搢拙燒新火醜醜解
舊醜三盃雖率爾一枕且恬然
明日遼城路君
應到在先

景幾古廟松風

遺廟不知何代建蒼松還憶古人栽
遙聞午夜風濤起疑是半天風雨來

龍灣曉霧

龍灣之水何縈迴曉霧濛濛午未開
應有蛟龍現神恠向空虛氣作樓臺

手山擎月

仙人已乘白雲去
仙手猶擎孤月寒
好拉洪崖同跨鶴
仍招子晉共乘鸞

蓮池垂釣

露冷風清池水秋
蓮衣落盡藕絲柔
誰人正把
任公釣豪客
方眠太乙舟

附王佑詩

字子啓泰和人仕至廣西僉事

夜泊采石懷李白
酌酒邀月共酌

清夜宿采石
浩歌懷謫仙
海風吹明月
飛上青天懸
月光宛如昨
太白久不作
呼酒坐船頭
邀月共斟酌
大江如平天
倒看明鏡圓
水上皆白雪
流光入余船
當時豈真醉
捉月猶兒戲
千載笑踈狂
幾人會高致
我今問嫦娥
百歲愁常多

古月至今好
今人如古何
謫仙倘遇之
便好同樽酒
明月成三人
相逢足爲友
期君君不來
輕掉酒船迴
但得天上月
長在掌中杯

三山樵者歌爲湖廣僉事王子正賦

福州城裏三山好
聞爾採樵曾結廬
每嘆爲官出山早
何如習隱在山居
山中喬木凌霜雪
清廟明堂嗟未得
豈無松栢成棟梁
亦有柯桐中琴瑟
我修我斧持我斨
清曉出門行路長
初涉寒流度前澗
更攀危石上高崗
崗頭遙望扶桑

日海底紅輪湧波碧照耀青天絕片雲奔崖
壁光相射黃驪谷口鳴嚶嚶白石峰陰同坐
辛苦不辭長食力幽栖已慣豈遜名大材當爲
時愛惜朽樸由來足薪積許許寧知歌自悲丁
丁遠聽聲何急日斜樵伴邀同歸萬壑千岩行
者稀薄靄餘霏昏竹徑斜陽返照入荆扉當時
自分貧亦足與世相違謝榮辱玉局時來石上
看青編夜照薪餘讀明時搜士徧丘園束帛徵
求忽到門金馬玉堂親召見緇衣鐵鉞遠甸宣
山中白雲隨共住甚欲還山不能去芳草應迷
行徑蹤綠蘿長覆栖閒處吁嗟窮達在人生俛
仰興懷感慨并傳說旁求從版築阿衡聘起自
躬耕古來出處有如此豈但于今應時起報效
垂休竹帛間還歸重臥雲蘿裏

題蕭彥狝雲構

青霄萬餘仞白雲千百重不在大行九折坂不
在匡廬五老峰海東高人蕭彥狝紫髯如戟顏
如童卜居不肯向岩谷乃欲結構雲之中雲下

歷代詩選 明王季羣 九
來兮栖素欄秀色可攬光纖纖曉晴潤氣拂蕙
帳暮冷清陰飛竹簾鳳臺之素娥爲吹紫簫曲
曲罷青天高澄澄如碧玉露洗三更寒煙飛一
庭綠君家世躡青雲梯方匡鐵面秋霜飛繡衣
春當霄漢立勁翮凜凜凌虹霓子亦胸襟隘寰
宇曾泛靈槎訪牛渚好登雲路早從龍大濟蒼
生作霖雨

題蕭雅言武山讀書處

武夷山容春更清員如仙髻方如屏中峰遙對

章江水松頂平臨大角星憶我山中尋武姥手
招陶皮二仙侶泉陰芝草春自香洞口琪花夜
初吐武姥瑤壇凌紫霞骨青髓綠顏如花謂言
富貴等塵土授爾長生九轉砂龍吟虎嘯綵鸞
唱夜半烏飛曲江上山中畱得煉丹泉疑是銀
河瀉千丈我祖前朝胄監還愛蘭諸老同栖山
武山福地金字額至今照耀雲林間聞君讀書
隱岩石笑我被徵去鄉邑手種岩前幾箇松應
有清陰坐沾席君今解組賦歸休我復乘槎事

遠遊想得雲峰峰下石待君高枕聽泉流涼風
吹月從西度玉盤掛在長松樹遙知夢覺石岩
秋應憶朝廻辟雍署武燒雲端如可逢江南爲
寄玉芙蓉倘得丹成天上去相從入極跨雙龍
自城陵遣阮庚上桂林候姪伯貞挈家過
峽州却圖入蜀追賦二首
遣爾迎妻子殘冬到峽州瀟湘俱便道灑灑正
安流書挈母遺墜舟行莫滯留鸞花春二月相
見錦城樓

又

念爾何時見相離七月餘如何千里道不寄一
行書老恐妻孥隔貧嗟骨肉踈錦城宜早到詞
賦訪相如

松滋縣

乃爾松滋縣清妍似故鄉碧湖浮片月紅樹着
新霜見客征魚稅思兄憶雁行峽州知不遠雲
際疊青蒼

雲安夜泊同子祺諸公分韻

今夜巴山雨蕭蕭江上聲短篷依岬宿遠火隔灘明已迎雲陽驛初辭夔峽城中途仍擬別去住若爲情歲月愁顏改山川離恨并歸期雖未定畢竟共朝京

望湖亭

吳城高處望湖亭天影低垂一杳冥江合東西成巨浸川分清濁會滄溟夜寒機杼鳴蛟室晚霽帆檣集雁汀頗恨登臨情不盡廬山雲掩半邊青

小孤山

彭蠡東來一片山雙崖屹立水雲間乾坤開闢遺孤柱江漢朝宗會此關春雨魚龍隨變化秋空猿狖怯躋攀今來古往俱陳迹惟有潮頭到復還

過安慶弔余廷心

左轄當年鎮皖城江淮千里日交兵四方共倚雄藩在一木孤撐大厦傾高節分明成蹈海奇才磊落見竹營至今書疏留遺恨丞相旌旗不

遠征

夜宿臺中明朝拜封岳瀆詔

宮闕深沉夜氣寒月鈎初上碧雲端羽林侍衛

羅千士粉署趨朝宿百官銀鑰已橫金瑣闥絳

紗遙度玉闌干明朝岳瀆頒封詔四海神人總

奠安

過臨臯驛賦簡胡子祺

晚涼官驛過臨臯訪古遙瞻赤壁高粉堞浮雲

生暝色長江明月照秋毫洞簫吹落王喬鳥宮

錦裁成太白袍便好與君沽美酒中流擊楫醉

英豪

葉益謁狄青廟

夜入崑崙破敵關長驅駐節望仙山兵威已振

遐荒肅寇首寧容大理還春雨蘋蘩遺廟在夕

陽林木戰營閒將軍千古平蠻績馬援真成伯

仲間

贈別裴伯升

清江科第舊名家千里初乘出使槎離別可憐

清江科第舊名家千里初乘出使槎離別可憐

清江科第舊名家千里初乘出使槎離別可憐

芳草色淹留又過刺桐花香爐煙底晨趨珮畫
角聲中暮散衙歸到栢司還問信相思雲樹海
天涯

潯州司中

青山積翠壓城頭四月高堂氣似秋藤峽西連
猺洞險狎江下合鬱林流茅茨繞郭炊煙起榕
葉盈庭宿雨收頻首歷階雙拜跪安南貢使入

中州

舜廟白蘇野秋興昔出美賦中流學海

南海蒼梧萬里遙重華遺跡在山椒地靈尚憶
迎龍鼓天籟如聞奏鳳韶大禹玄圭功已告二
妃斑竹恨難銷小臣再拜瞻龍袞但覺薰風滿
袖飄

御史孔希古送別

十八人中同受詔四千里外獨之官九重雨露
雲霄迥六月冰霜瘴海寒自是良材掄預栢由
來至寶數琅玕天南日夜瞻金闕報主應同一
寸丹

湘陰劉臯獨醒亭

乘舟四月過湘陰
湘水沉沉湘樹深
百里元非仇覽志
獨醒因續屈原吟
清風洒落倚蘭浦
細雨蕭疎斑竹林
數載相逢重會面
洞庭無底是離心

謝劉子高惠冰

御井開冰賜近官
故人馳贈出朝端
天霜積塊承金盃
雨露融英薦玉盤
受賜知君恩最重
分嘗令我病先安
憶曾烏府居長夏
近侍擎來滿

座寒

登鳳臺

鐘山秀疊御屏風
金闕端居紫翠中
千里帝畿王地濶
萬年天塹大江雄
員方圭璧親承祀
夏車書總會同
却笑嬴秦爲計拙
東南王氣本無窮

贈四明任思賢侍親還鄉

聖朝孝理待賢材
羨爾辭官得放回
千里白雲親舍在
一帆飛雨客船開
板輿侍奉追潘岳
綵

服承歡作老萊想得慈顏長壽考萱花堂上卽
天台

彭澤懷陶靖節

彭澤江臯五柳色維舟幾度憶高人孔明千載
當爲友劉裕終身不得臣酒熟歸來從醉醒詩
成贈答到形神當時笑傲東籬下祇許南山日
夕親

湖口驛寄家書感懷

湖口垂楊古驛開西風重繫采舟迴月浮彭蠡

玻黎碧雲擁廬山錦繡堆見雁設題千里字買
魚聊醉九江杯故園三徑存松菊得似淵明歸
去來

蚩不荆南舟中寄華容孫景賢臨湘黃允中
故人不見十年餘聞說華容早卜居湖上屢停
千里棹江南不寄一行書別來每恨知心少老
至翻令會面踈得句荆南煩去客芳春問信向

荊廬

白帝故城爲僞夏屯營之所我朝侯總兵

駐大旗山遣謀出瞿嵐渡據其上流射
殺僞平章鄒遂下瞿關今其營壘分兵

守之卽事

上將西征百萬艘大旗山下駐旌旄巴渝未下
聲先振瞿峽相持勢兩高間道便如持幟入緣
崖不用裹氊勞天兵四海俱臣妾恃險無知笑

爾曹

先祖父諱日宿青城哀感

青城山縣懷先德萬里江南未得歸手澤至今

存典籍容顏無復見庭闈鄉塋宿草荒春雨蜀
道踈林澹夕暉兩袖東風歸騎遠傷心惟有淚
沾衣

荻港值雨

白浪如山雪作堆淮雲將雨渡江來畫船撐入
蘆花港掩却篷窗半面開

夜過雷港驛換舟

月暗江天睡不知棹夫催起換船遲滿衣涼露
扶殘夢正是趨朝待漏時

暮過湓城

琵琶亭下換官船
江漢秋來水接天
莫問英雄千載事
湓城蘆荻鎖寒煙

石倉十二代詩選文苑

晁菴集

大明

廬陵胡烈廣著
後學曹學佺閱

贈別

驅車出郭門
迢迢欲何之
駕言向關隴
指日西北馳
朝登黃河壩
暮投洛與伊
歷覽有古迹
憑高多曠辭
由來賢達人
壯志在西陲
焉能事局促
徒負蓬桑爲
念子本超宕
雅懷良不羈
所希在前轍
離別寧足悲

五前題程節婦卷悲

結髮誓同穴百歲以為期託身在然諾此情惟
 心知夫君既奄忽妾生亦何為飛鳥有比翼樹
 木尚連枝嗟人秉靈性胡能乖所持一死信獨
 難義重復奚疑茫茫長夜臺皎皎冰玉姿相見
 宛如夢精魂常倡隨

謁青陽先生祠

征艫泊脩渚前登皖城隅曠懷浩無際弔古重
 踟躕偉哉青陽公文武足憲謨攬槍動南服勁

氣空萬夫百戰撫瘡痍六載枕戈爰盼窮援兵
 絕力竭形勢孤天步挽不回已矣夫何如慷慨
 盡一決取義以捐軀全家萃忠節之死矢不渝
 精誠懸景耀赫赫凌蒼虛綱常振頽俗靡波障
 奔趨褒揚列汗竹廟食儼龍舒大江逝滔滔惟
 有伍相俱淒涼古祠下日夕靈飈呼

去節文丞相祠

丞相生異質挺特真天人勁氣薄霄漢國亡將
 驅狗上書抗直言屢欲斬賊臣大事已云徂乃

歷代詩選 明胡元
付秉軸鈞降表夜竊出六營竟蒙塵嗟彼賣國
者致公何狡魏萬死出虎口努力支蒼旻崎嶇
走嶺海顛沛念君親徒手格猛獸胡馬正駢駢
勢窮猝被執誓死以成仁悵望零丁泮欲濟迷
遠津天高憐戢翼水涸悲縱鱗羈縲詎遑恤狂
狴經數春采薇耻食粟詠歌傷獲麟從容乃就
義慷慨焉顧身所學希聖賢臨死書諸紳

高唐州與幼孜入榆林中避風沙漸行入
夏津縣古河屯遇一田家邀予二人飲

意甚勤厚幼孜飲少僕爲飲數杯上馬

而去

策馬度榆林行次古河曲曲堤隱若城河流已
不復下馬飲河水逢人問鄉俗田家有好懷邀
我坐茆屋爲言家登萊分丁屯大陸居此成聚
落歲久繁生育公家值少事衣食恒自足所欣
達官至開甕酒初熟呼婦滌金罍旋芻春分醪
馨香忽出戶浮蟻泛糟麩雖無肴與核羅案具
蔬菽野人性真率酬勸情轉篤殷勤慰渴飢餘

歷代詩選 明詩卷之六
以及童僕意氣自豁然豈能令拘束與闌出門
巷老少似徵逐相送河上村徘徊佇延日

過德州有感

平原襟喉郡城堞亦何雄地控齊魯際路當幽
薊衝古河忘舊名故壘有遺蹤我頻扈仙蹕來
往經山東到此懷宿昔望遠臺已空詼諧失方
朔聰明無管公高士文不傳禰衡賦徒工若人
俱寂莫蔓草起淒風偉哉顏太師矯矯人中龍
智明炳幾先茅葉防奸兇豺虎方哮噬予以折

其鋒霜雪瘁百草挺然見孤松高名懸日月壯
節凌蒼穹千年英烈氣尚見成長虹

人前駐師環瓊圖

日出見山低日入望山高四山宛如環層沓湧
秋濤天兵駐連營雲霞護鉞旄春陽被野草暖
氣回征袍司馬用九伐廟略全六韜師行貴神
速令肅無歡囂勇士憤氣盛泰山壓秋毫上軍
先伐謀小醜焉能逃漢將伊吾捷乘夜趨臨洮
何如仁義師一舉靜腥臊

采石述懷

我生厭局促江海日奔馳扁舟薄暮過采石仙
人招我登峨眉峨眉亭前波浩渺百尺懸崖俯
飛鳥三山潮到浪欲平明月來時漾珠小錦袍
公子李謫仙騎鯨一去經千年作詩往有三百
篇上追風雅相流傳却向此中看月色翻身跳
入龍宮眠纖塵不染骨已蛻空餘荒塚埋雲煙
便呼斗酒酌江水再起共乘墳下船將携兩僮
歌扣舷玉簫吹斷催繁絃世上黃金不如土取

醉何須斗十千悠然懷古怨莫極留得青山舊
相識傍人訝我酒家仙亦有從前好詩癖夜闌
慷慨曲未終起舞拂袖來江風朝雞促報東方
曙放手但覺金樽空君不見摩挲銅狄徒騷首
今古英雄歸一朽虛名落在宇宙間惟有文章
可長久蘇軾空軒對歸洲猿首曰劉顛峯然其
詞賦草書歌筆朝騰蛟令人驚畏收感雷賦
妙年好武仍好文伊誰之能越將軍精誠皎潔
懸白日浩氣磊落橫青雲憶從仗劔事明主帳

下賢勞忘辛苦據鞍草檄人共知破敵舉旗心
自許只今海宇歌太平侍從彤墀承穆清朝罷
臨池恣揮灑筆陣飄逸令人驚勢如激電起倏
忽又似秋空搏健鶻恍疑危石墜顛崖歛若潛
蛟躍溟渤神情冲澹更蕭散何用公孫舞經眼
昔時浪誇金錯刀此際須爲鐵門限坐令索者
走如市積軸盈箱更盈几毫端變化不可測頃
刻雲煙生滿紙蹇予亦有好書癖學久無成徒
歎息請公爲我寫數張母使高堂空素壁

蘇六 臚胸河

今名飲馬河

臚胸之河水如綫百折東流疾似箭河邊地曠
芳草深從來此處多征戰漢家煙塵西北起漢
將成功曾度此雄兵夜走左賢王前騎先驅右
谷蠡一朝館置呼韓邪郅支遠去誅旋加塞上
防秋令行急匈奴遙望陰山泣只向河邊循故
道逐牧年年趁水草聖明天子御八荒四夷遠
邇皆來王獨有胡兒負恩德逆天之罪干刑章
天兵萬里從天下却向此中來飲馬胡塵一掃

大漠平河邊草綠小空青

題邊文進畫松鶴

邊生掃素寫孤鶴傍著長松倚雲壑天風吹墜
銀河流挂在丹崖九霄落松聲鶴唳水潺潺
聆仙樂鳴空山高秋爽籟度窈窕初疑蓬島非
人間古稱善畫誰第一畢宏薛稷皆名筆想應
對此融心神毛髮颼颼也森栗高堂見之若可
招竦身逸氣凌沈寥卷簾只恐上天去長松灑
瀑空瀟瀟

題曉睡圖

昔聞藐姑射其山多神仙雲裾霞袂何蹁躑今
之畫圖無乃是人間一住三千年紗帷半揭清
如洗十二欄干曙光裏天風吹夢度寥廓倦倚
鮫綃睡不起芭蕉葉綠松露涼枕邊裊裊騰爐
香飛來啼鳥莫呼醒日上扶桑清晝長

楊白花

楊白花度江竟不還非汝故來急恐落塗泥間
春光憔悴如花顏相思不見空長歎浮雲流水

歷代詩選 明倫彙編
何漫漫安得隨風返高樹仍結柔條莫飛去楊
白花攪心緒

燕辭巢

燕燕飛雙呢喃尾脩脩毛毵毵東隣西舍穿欲
徧乍去忽來看人面東家有屋不我容西家屋
破愁雨風營巢寄栖只如客嗟胡爲乎于我阨
所求寸隙暫安窠主人不容將奈何渴不飲爾
漿飢不啄爾粟廣厦庇梁上馬用苦相逐西家
却有賢主人銜泥接食憐我勤使我爲巢隨所

擇汗書點案俱不嗔生雛長大羽翼成忽然飛
去那無情燕雛飛去復飛來別遽祗畏傍人猜
更借梁間過幾宿爲謝主人深煦育正恐秋高
落木稀一朝各自東西飛主人留我不能任此
意蒼黃誰得知但願主人好心事年年生子來
相依空室空堂空屋空巢空巢空巢空巢空巢

人雖可惜行薄了空巢空巢空巢空巢空巢
可惜復可惜人生百年駒過隙昨日已往不再
來今朝欲留留不得請君莫學流浪徒此身堪

歷代詩選 明倫彙編 卷六十五
歎非常軀丈夫貴自率真性造化賦予無賢愚
君不見南隣富薰天呼盧一擲百萬錢昨日探
丸馳駿馬今朝已葬泉臺下世上悠悠只如此
可惜空生復空死

滕縣隨獵觀犬嚙虎

隨獵入深山山深多乳虎虎見人來却負嵎人
一向之觸而怒羣犬聞虎聲競趨至虎傍下口
亂咋虎莫當犬視嚙虎如嚙羊昔聞泰山麓有
虎相馳逐鳩父駐遊車下問婦人哭嗚呼安得

此犬在當時盡驅猛虎食其肉更啗食殘羣吏

酷

長城曲

長城莽蒼天北隅秦人築此遠備胡秦人一去
胡來牧城邊春草年年綠禦胡無策徒爾爲亡
秦者胡高與斯可憐長城猶突兀誰知下有秦
人骨陰燐飛走夜不滅可憐還是秦人血秦人
不用悲辛苦長城歲歲磨風雨當時若去桃花
源至今不葬長城土往事蕭條莫歎嗟單于已

死空黃沙漠家舊道無人跡冷落寒雲野草花
逐胡寇至靜虜鎮大戰敗之

窮荒倍道逐驕虜壯士奮兵闖虓虎陣前殺氣
高入雲夜半妖星墜如雨塞上橫行五月餘萬
里蕭條邊月孤霜華拂劍弓角勁直欲斬射諸
胡奴胡兒無知來格鬪出沒山間若鼙鼙猛將
材官一敵百徑扼胡胸斬其首紛紛白羽急流
星馬蹄亂蹀胡血腥羣胡奔哭淚交落漢兵大
呼天山傾輶車弃野紫駝逸牛羊散漫豺悲鳴

白日沈光雲似黑燕支慘澹無顏色嫖姚轉戰
不肯休飛旆窮追勦殘賊天子勅將士予匪黷
干戈所以伐有罪罪弗及于他但使匈奴怛威
武不欲禽獮皆虞羅拊循降附釋俘縛頓令寒
谷回春和沙場自此少征戰邊將高眠安寓縣
寇軍車騎浪成名九重廟算光餘衍

元夕觀燈侍宴十六韻

聖主恩波雨露濃清時宴樂四方同千門燈火
笙簫裏五夜樓臺錦繡中玉樹焜煌環絳闕銀

蟾皎潔晃瑤宮煙凝寶蓋麒麟紫星散金蓮琥
珀紅忽似彤霞明紫殿恍如珠斗下璿空輦扶
仙鶴青冥外山載靈鼈碧海東層疊雲林消掩
藹微茫巖岫聳龍嵒漏聲稀報渾疑曙蠟焰交
騰欲躡虹翡翠簾櫳光燦爛珊瑚枝幹影玲瓏
天街深邃無塵到河漢低迴有路通雉扇徐分
龍袞近鑾輿侍衛虎賁雄瓊卮賜酒催中使玉
珮聯班列上公接席相歡諧語笑當筵趨扮舞
夷戎教坊角技呈諸戲光祿盤飧饋有饜旣醉

又聞歌湛露序賢端擬詠敦弓已看稷卨遭逢
盛不數鄒枚賦頌王

歸至北京

曉隨仙仗入都城雲散扶桑旭日晴萬國衣冠
迎玉輦九天仙樂度韶英華夷混一歸真王宇
宙弘開屬大明燕薊河山誇壯麗閭閻歌舞樂
昇平神功自是超三代武庫從今戢五兵紫塞
已空胡虜跡丹山長下鳳凰鳴烽燧寂靜無宵
警邊戍常聞有歲耕歸馬放牛秋野迥從禽校

獵內庖盈逐戎適見征車出獻馘旋看告禮成
預報明朝行大享百寮同此沐恩榮

送周判官致仕

送別倒離樽春風白下門暖煙滋柳色新水上
潮痕落日迴孤棹幽居憶舊村獨憐江浦月隨
處照黃昏

西園

西園臨絕嶠草樹有餘清浦月隨潮上山雲帶
雨生密煙籠暝色虛籟發秋聲長憶幽棲趣都

忘軒冕情

中秋夕示諸兒

五載從巡狩三年住北京中秋氣已肅今夜月
偏清佳節催吾老詩書望後生遙知把酒處重
有憶親情

重陪駕至太液池

玉砌臨無地飛甍上倚天微風斜舞燕高柳沸
鳴蟬芳草茸茸細池荷箇箇圓孰知丹禁裏別
有好林泉

內直次韻

天門侍立已多時
內閣從容退食遲
四海太平應有象
九重端拱正無爲
扶桑日上黃金殿
闔闔風生赤羽旗
共喜草萊深雨露
華夷從此樂雍熙

秋日早朝次王簡討韻

夏滿都城一雁飛
輕羅初擬試朝衣
城頭鼓角傳更滿
闕下星河向曉稀
佳氣入雲浮紫殿
新涼先雨到彤闈
涵濡此際雍熙日
誰識陽和造

化機

望廬山

廬阜高寒插劔鉞
晚晴遙望入蒼蒼
千層華蓋從天下
九疊屏風帶雪張
影落平湖青黛小
秀分南紀白雲長
他年五老能招隱
便結松巢跨石梁

發池口

夜靜扁舟向曉開
中流渺渺棹歌來
雪留翠巘春寒在
日落黃蘆暝色催
壯節未酬空把劔
羈

歷代詩選 明古六九
懷欲遣莫停杯故園別後無消息愁見江城雁
北回

寄簡夫

幾度詞垣對夕暉懷君千里恨相違乍逢故友
將詩寄久別文江覺夢稀牛渚波光天際遠龍
河草色雨中微遙知習靜東山下閒看浮雲出
岫飛

鄉闈懷同寅諸友

棘闈清坐思迢迢咫尺詞垣隔九霄青草晝長

閒草制紫宸天近早趨朝萬家秋色煙中樹一
曲涼聲月下簫試問故人相憶否離情欲寄塞

鴻遙

送李輔歸鄉

都門曙色已曛曛相送離亭思萬重日下紅塵
迷遠岫雲邊紫閣度疎鐘家書欲寄雙鳧渚鄉
夢先過五老峰同學舊游煩寄語別情應似宦
情濃

陪祀南郊

歷代詩選

明初光天

卷六十五

十四

甫

聖王升中禮玉皇碧霄雲淨月蒼蒼星河晃漾
搖雙炬燿霧空濛散好香玉珮上公趨執事朱
衣宿衛列成行小臣侍從天壇下聽徹簫韶頌
我將

贈黃中書還永嘉

玉佩趨陪紫禁朝春風華髮已蕭蕭雙槐葉暗
藏仙閣萬柳絲長拂御橋別醕欲留江浦月歸
舟應泛海門潮鳳毛池上承優渥賜勅光榮出
九霄

別解華容

拜命辭朝出紫宸一官初受寵恩新來時共泛
西江雪去日平分上苑春彭蠡望窮懷故國洞
庭隨處是通津華容凋敝勞蘇息莫對雙松听

幘巾

祝教諭萬竹軒

軒前種竹一萬箇滿地春雲亞綠陰俗客不知
幽絕處清風長在翠微深每逢白晝聞秋籟只
恐蒼龍起夜雲欲訪此君分半席歲寒還許結

同心
示長兒種

玉署恩深雨露滋難將淺薄報明時
求田問舍非吾事績學承家待汝爲
休老不愁無地著清名只畏有人知
從來貧賤多真樂陋巷簞瓢是我師

送梁本之溧陽教諭

翰苑詞華數令兄連枝偏許擅才名
傳經已紹梁丘賀作賦應傳禰正平
路繞溧陽秋樹色舟

移淮浦晚潮聲一官莫嘆儒壇冷自有青雲萬
里程

翠雲書房

丹房遙在郡城西半倚林巒半俯溪
山色入簾青靄合松陰落戶翠雲低
水邊臨帖看魚躍花外吟詩聽鳥啼
亦有江樓隣石屋苦因疎懶憶幽棲

別江紀善

十年清宦在京畿白髮蕭蕭舊布衣
鄉里衣冠

前輩在關河離別故人稀官橋細柳藏新雨水
驛輕帆背落暉我有愁心何處遣秋來日望雁
南飛

贈勳司施谷安員外除南康太守

南康出守分符重北闕掄才考績優玉佩已辭
雙闕去牙檣遙掛九江秋匡廬樹色圍山郭彭
蠡湖光入郡樓露冕臨民多暇日石門仙洞足
清遊

題源隱詩卷

莫與誰爭今日青雲萬

憶度黃源訪舊遊滿溪花柳映山樓到門青草
還同逸遶屋白雲長不收載酒有時尋石室借
春隨處步林丘驅馳却說幽棲好夢隔芙蓉萬
疊秋

和胡祭酒快雪喜晴

風急浮雲斷復連寒生孤館憶青氈北京九月
先飛雪南客衣單欲換綿金闕岩堯天影近瓊
林璀璨日華鮮也知東閣多詩興謾和陽春寫
素牋

春日扈從幸北京

曉隨仙仗出時巡
聖主恩深四海春
萬馬踏雲開輦路
六龍扶日度天津
陽和布澤初回暖
別苑飛花不動塵
豈是揚雄能獻賦
空慚載筆列詞臣

送人之官漢州

萬里迢迢還蜀道
行秋江遠水一帆輕
楚臺去雁雲邊影
巫峽啼猿月裏聲
經學舊傳秦博士
禮儀曾習魯諸生
到時倘見劉明府
天上交游借

別情

劉校書先生調沂州學正賦此贈別

白髮校書前座主
碧山學士舊門生
幾年睽隔勞甯夢
此日歡逢慰故情
薊北雲山留遠別
濟南風土入脩程
遠持校鐸沂州去
模楷英髦屬老成

別王子通

窗外蕭蕭竹萬竿
酒醒聞雪夜深寒
五更魂夢辭家遠
幾日風波去路難
最恨長卿猶卧病
祇

憐貢禹浪彈冠明朝不盡河梁意滿目雲山別
後看

寄劉子通

蕭條煙水暗滄洲別思依依憶舊游落葉滿林
聞雁過青山隔屋見雲收窗前清夢三更月籬
下黃花九日秋欲問近來爲客况山竿擬上釣

魚舟

送黃給事中歸省

三山故郡倚天開暫得承恩日下回別夢未辭

青瑣闥歸心先到白龍臺關河雁影隨秋度京
口潮聲向夕來綵服趨庭欣拜舞黃花稱壽酒

盈杯

昔向病起早朝蒙恩再予告三日

卧病經旬不出關今朝喜得覲龍顏立依玉笋
慚容瘦趨入金門覺步艱天語更傳三日告客
居猶得幾時閒自緣草木同榮瘁只在生成雨

露間

甲午元夕午門觀燈

歷代詩選 明故光
聖人端拱致中和四海雍熙樂事多玉燭麗天
明日月春風送暖入山河親逢軒后垂衣治重
聽堯民擊壤歌佳節年年陪宴樂草茆何幸沐
恩波

楊庶子雲山草堂喜與諸賔立於玉
昔向雲山結草堂半分山色半池光讀書捲幔
雲生座掃石彈琴月到牀習靜有時惟看竹清
齋無事只焚香而今已作金門隱幽興母勞引
夢長

元夕黃庶子宅夜宴賦牡丹花燈

萬片玲瓏費剪裁明燈纔上一齊開因看色相
元如刃自識根株不用栽艷質每從春夜見光
輝疑是月中來年年此夕成歡賞豈必清歌勸
酒杯

送陳士瞻歸新昌

金門瑣闥集羣儒讎校應過漢石渠投老却辭
天府駟好賢空賦谷中駒閒門脩竹開三逕何
處扁舟入五湖追遞江南看太姥翠微千片白

朝吟倚窗竹夕覽登高樓援琴酌白酒盃簪聚
朋儔抽毫落風雨揮劔排斗牛一朝辭鄉校戰
藝卽見投高舉薄霄漢遠覽帝王州匡時展經
術所志在伊周清華職論思秉筆贊鴻猷步趨
邇禁闈顧問軒宸旒侍從十五載荷蒙恩寵優
去年省桑梓偶得尋舊丘徘徊撫林木感嘆非
昔遊滄波去浩浩白雲日悠悠鹿門未有期小
山不可留臨風駐遐想悵恍增煩憂因之寄圖
畫聊復寫綢繆尚期返初服白首同歸休

湖山佳趣爲黃博士賦

屏跡慕閒曠素有高世姿結茅謝塵鞅澹然心
自怡湖光涵几席山色臨書帷游魚戲文藻好
鳥鳴高枝橫琴芳樹下濯足清澗濬開樽酌美
酒揮毫賦新詩緬懷百年內誰復同襟期一朝
際休運忽與雲壑解薦書達名姓文彩何陸離
昨來居太學橫經擁臯比羣才資樂育講論忘
渴飢出處諒不偶通顯固有時相期貴努力補
衮方在茲他年謝簪盃庶以慰相思

酌泉亭爲嘉靖吳員外乃弟賦

昔有吳刺史飲泉著清聲廉貪勵高節千載揚
芳馨與言家淦曲結屋依岩高青山列戶牖嘉
木羅前楹流泉出砌下一碧湛泓渟齋居誦遺
訓仰止思繼承白雲蔭芳潤皓月涵虛明永日
愜幽賞俯仰挹清泠一酌祛煩慮再酌怡神形
三酌沁肌骨顯使心目清匪茲樂澹泊實以固
幽貞嗟彼寰中人胡爲獨營營沈酣嗜麪蘖夜
旦了不醒視此酌泉者寧不畏惕驚蹇予慕修

潔清華邇蓬萊幸茲遠氛濁漱滌瓊瑤英凜然
對冰雪朝夕懷兢兢誓圖堅晚節補報竭忠誠
因斯發佳詠聊以寄高情此詩與心物計芥也
許夢爲王侍講時彥題秋意圖風韻香爽黃
長天帶遠景絕島含秋意橋響客時過竹深門
獨閉蒼烟迥蕭瑟落日生迢遞回首大江西故
山何處是爲傅林詞外點苗東州

六月廿一日立秋偶題

兩日風雨過滿目皆秋意開軒灑氣回入座涼

歷代詩選 卷六十六 三
颺至高梧響蕭蕭鳴蜩方嘒嘒端坐閱寒暑令人發清喟
十一 且立林間賦

雪窩爲翰林院修撰苗衷賦

泮池凍壓芹藻蒼雪窩湛湛通銀潢瓊姿玉質
烟寒素短櫺碧檻凝清光蓬萊浩渺徹銀闕羅
浮夢裏何殊別淨色微含冷淡風暗香連度黃
昏月當年美人尤好奇對此轉覺心神怡花明
高閣朝吟處簾捲寒窗夜映時只今遠隔西湖
側欲托山棕那可得青綾傑直玉堂深夢寐猶

疑照顏色新圖貌得重南金時來展玩清煩襟
爲君揮翰寫長句願保平生貞白心

金輿題松鶴

薛公畫鶴藝殊絕真跡人間半磨滅玉堂退直
見新圖毛骨蕭疎渾彷彿丹砂作頂霜作翎迥
立松梢壓蒼雪試看挺特仙客姿軒昂豈是樊
籠物萬里高搏遼海風一聲清唳臨臯月忽然
振翼將遠舉雲薄天空一超越肯學池塘鷗鷺
羣啄食卑污外空潔懸知素壁玩且久似有涼

風起寥沈赤松異日許同遊借爾翺翔向金闕

秋日登萬歲山

萬歲之山高挿天遠摩蒼翠凌紫煙瑤樓玉宇
耀初日碧窗朱戶相輝鮮春風瑤草長新綠珊
瑚玉樹何娟娟鶯啼白晝出深谷縞鶴歲久巢
松巔洞門陰陰苔蘚碧石澗九曲通流泉日轉
金輿經翠巘風迴仙仗度花前天香遙散廣寒
外紫翠近落瑤池邊方壺員嶠果安在閬風瑤
圃徒虛傳偶來登覽上絕頂便欲振袂凌飛仙

凌飛仙坐閱天地夜不老上下日月同周旋

扈從車駕巡邊過裴村田舍與楊少傅共

東雲賦酌

清朝催上道出郭聽鳴笳野水流冰澗江風漲
雪沙清談駐鞍馬小酌坐田家扈蹕慚衰邁應
憐兩鬢華
晚同楊少傅寒夏二尚書宿田家

馬頭瞻落日尋宿過田家野老欣相得村醪不
用賒田園樂豐歲耕牧足生涯搖落秋將盡因

之感歲華

題南園琴趣

閒居慕恬曠雅趣在南園山水留遺韻煙霞隔
世喧幽蘭宜獨操大雅共誰論我亦知音者何
時一過門

禁中大雪再和魯侍講韻

凍雲壓地曉寒清剪出瑤花片片輕撩亂欲迷
鳩鵲觀霏微遠度鳳凰城湘簾半捲飛還落輦
道經行掃更平向晚玉堂光可燭細看書卷獨

分明

和若思胡祭酒至後詠懷

學省朝回無一事鉤簾坐看雪飛花故人問字
或載酒穉子敲冰時煮茶東閣十年同載筆西
江千里共思家昨朝葭琯陽初動似覺新袍煖
漸加

寄伯兄季質及諸弟

弟兄不見十餘年南北相望各一天久別故園
空有夢新添白髮自堪憐已知放浪煙霞外自

愧棲遲雨露邊愁思滿懷無處着朝回時誦鶴
鴿篇

雲山草堂為楊庶子賦

聞道幽居近翠微好山多與白雲齊柳塘日煖
花爭發門巷春深鳥自啼酒醒每臨松下坐詩
成閒向竹間題一從射策金門去風雨年年夢
建溪

元夕午門賜觀燈

天仗森森列寶臺教坊初進鼓如雷金蓮夜放

輕寒散絳臘春融瑞氣回仙樂謾調雙玉管紫
宸頻上萬年杯傳柑歲歲承恩渥感遇深慚負
不才

香斗花洞垂綸字蘇來公於其論如我賦谷

桃花洞口水洞沿下有漁郎理釣船萬頃光浮
雙島月一絲晴漾碧波煙高風未許誇桐水逸
典何殊在渭川已喜飛騰霄漢上不須回首記

當年

岫雲軒為泥田周叔昭作

平生心事只悠然杖履逍遙稱暮年長愛春光
來座上晴看雲影落簷前花開曉共網緝合窗
外晴同紫翠連亦欲與君尋雅趣投簪何日賦
歸田
松筠軒爲章仕顒作
舊在城東三畝宅種來松竹長偏成每疑蒼雪
簷間落時有涼風座上生長日持杯看鳳舞清
宵隱几聽龍鳴邇來數學君尤盛深識先天造
化情

贈王行人使安南

承恩曉出九重天王事驅馳念獨賢奉詔尉佗
煩陸賈尋源西域得張騫車書自昔通南紀聲
放于今徧八埏聖主綏懷恩似海殷勤得意在
敷宣

中秋宴集和答胡學士

直合西頭俯禁城鉤簾坐待月華明詩題綵筆
誇先就酒注銀瓶勸滿傾蟾桂風清微有影金
莖露下不聞聲比來此會應難得且共酣歌詠

太平

正月十四夕黃侍讀宗豫請賞蓮花燈時

光大胡公席上有詠走筆屬和之

艷質娉婷巧製裁瓊枝高下一時開偏宜午夜

瑤池看絕勝當年玉井栽絳貝斜分霞影亂畫

簾低引月華來金吾此夕知無禁顛倒何妨累

百杯

題老鶴

老氣崢嶸不可羈蒼松白石舊相依海霞煖護

丹砂頂山月寒生白雪衣赤壁當年曾入夢青

田此日獨來歸也知骨格非凡種故爾摩挲思

欲飛

薊門煙樹

野色蒼蒼接薊門淡煙疎樹碧網縵過橋酒幔

依稀見附郭人家遠近分翠雨落花何處有綠

陰啼鳥坐來聞玉京盡日多佳氣縹緲還看映

五雲

都門曉望

春滿皇都淑氣清偶來縱目一舒情遠山漠漠
平臨野綠柳依依半出城負郭牛羊初散牧隔
花鶯鳥自和鳴玉泉近繞宮牆過香霧遙從鳥
樹生天上旌旗廻仗影人間簫管雜歌聲也知
聖代多恩澤況是豐年樂太平
元夕午門觀燈應制

雲擁蓬萊五色濃銀燈燁燁照芙蓉笙歌一派
來天上萬歲聲中拜六龍

又

天階雪後淨氛埃月上龍樓寶仗開盡道聖恩
深似海觀燈都向午門來
閭闔重重夜不扃瓊樓十二敞銀屏東風一曲
昇平樂此夜都人盡許聽
白蓮爲樂舞生賦
秋水清涵白玉盤露華淨洗鏡光寒幾回欲載
吹簫侶儘向瑤池月下看

山窗夜雨

深澗垂蘿暗竹房半枝殘燭雨聲涼蕭條樹葉

千峰裏不獨猿聲斷客腸

附梁潛

字用之
秦和人

耕讀軒

君子貴不苟尚志審厥初所以居貧賤嗜道每

忘劬義農跡已遠至理幸未渝晨興荷耒往暮

還讀其書寸心苟有會千載仰弗殊邈矣汾水

濱悠悠鹿門居願言慎自勉高情與之俱

春日言懷

白日不可繫青春能幾何忽然一醉起落花何

其多坐看東逝水無復西流波姬孔安在哉黃

綺亦蹉跎感之忽不樂涕淚雙滂沱

述懷呈瀏陽邑教周貞

茅屋過疎雨靜夜聞江聲倦來不成寐惆悵萬

里行更闌燭屢換酒濁盃復傾偶然歡洽好遂

忘羈旅情天明出門去還望南山清

誠意堂為文江熊自誠作

端居澹無營反躬得至理嗟惟方寸懷萬化從

茲起一念尚自欺斜徑蕩無軌皇皇先聖言明

明坦如砥克之妙神化率由自敬止高堂既孔
幽圖書積盈几歛情息紛馳虛襟謝塵累深造
苟弗渝上達良在此前哲日凋喪顧予亦衰止
安得攜孤桐往訪文江涘

古松流泉圖為學士楊公作

絕壁何岩崑下有太古松飛泉漱其根交柯凌
蒼穹颯然雲氣合往往藏蛟龍千里起暝色萬
壑來長風高堂忽見之令我心抱融何當采茯苓
服之形神克五粒如可種千歲當還童

送蕭孟恒御史按廣東道經故鄉因託致

家書

豸冠何峩峩繡衣亦煌煌晨興出都門攬轡臨
周行使節豈不榮况乃還故鄉層樓俯丹谿佳
樹含秋芳賓親遠近至列讌湛霞觴涼風夜來
起露下忽沾裳諒無凌風翮遙望空彷徨

東里

佳景媚長川水光燦迢迢倚窗恣遐覽涼颯颯
然至黃花亦已芳幽香忽盈袂頗懷東里人簡

歷代詩選 明 卷之六 三
曠有深意萬里苦乖違三載勞夢寐佳會已云
邇中情益翹企

挽蕭處士

石火與電影著日無留光人生亦如此念之良
足傷峩峩三尺墳神歿形亦藏東風吹草綠草
色何茫茫返景不下燭泉臺夜何長我有雙明
珠撥贈何由將

漁父辭劍圖爲胡學士題

日落昭關暮煙紫東望吳中一千里江濤怒湧

如雪山我無羽翼高飛難感君意氣一回顧度
却洪波心更苦腰間寶劍能語言解贈向君肝
膽露丈夫相遇心相知傾情倒意何所疑窮途
倉皇足悲慨此去道路猶險巖水有蛟龍山有
虎知爾千愁復萬慮還君寶劍慎周防荆門路
斷魂茫茫惠曹王鞞斷髮卧酒味爾下谷益難
不離合州寫懷

水合交層浪峰回出翠鬟雲隨村艇去鷗趁汛
流還斗酒相忘甚寸心如此閑不應篷底醉過

却釣魚山
送人作合瀛縣
邗城東去路何處是瀛洲
落木山容瘦晴天海
氣浮車輪應暫住樽酒迭相酌
知爾才名盛微
那不久留
七月十七日
駕還自塞北
六軍歌舞上金臺
聖王親巡玉塞回
簫管遠隨
雙鳳下
煙霞高擁六龍來
香飄寶鼎前
旌合表
進金函
內殿開
願祝堯年
千萬壽
太平恩澤到

蓬萊

五色薔薇

佳種何年此地栽
繁花五色照蓬萊
彩雲不逐春風散
香霧輕籠錦障開
謾憶當時青羽佩
空餘此日紫霞杯
芳菲依舊還堪賞
鸞鶴高飛不重回

元夜陪 駕宴午門

銀漢橫空寶月團
六鰲飛出五雲端
蓬萊紫氣天中起
玉井紅蓮地上看
滿殿嬌歌留夜景
千

門羯鼓散春寒教坊戲樂年年異願奉龍顏萬
歲歡

秋夜曲

月落河斜漏聲澁美人猶在閑塔立陡覺風來

羅袖寒滿池涼露荷花濕

驚黃短褶素羅裳紫綉盤蘘蘓合香深夜倚簾

愁不寐池頭忽見睡鴛鴦

山水

山水

山外清江江外沙白雲靜處有人家船頭不是

仙源送那得飛來片花

附其瑾

字彥初
餘干人

題何梅閣仙居

迹不到城市逢人無厚顏一瓢風外樹雙屐雨

中山流水春喧確歸雲暮掩關憂時心未已祗

益鬢毛斑

題張氏竹園別業

避難疎狂客長貧少定居採芝空有曲種樹豈

歷代詩選 附甘彥初 卷六十六 五
無書擬製山東屐看馳下澤車肯容疎懶迹來
與狎樵漁九竹園限業

送防秋將

玉帳秋風動邊塵颯颯驚射雕輕漢將收馬過
秦城白草交河道清笳捕虜營戰裝宜卽換已
及蚤寒生

秋閨怨

惆悵下簾鉤空庭月影流錦衾成獨旦羅扇覺
先秋火煖薰籠煥泉寒汲綆脩祗憐雲際鴈傳

得玉關愁

讀史有感

二龍遙望渺東遊弓劍蒼茫滿地愁青草空遺
雙塚月彩雲俄散六宮秋長江落日忠臣恨易
水寒風壯士羞楚漢興亡俱一夢當時何用割
鴻溝

讀文丞相傳

萬里胡天泣楚冠南雲歸計路漫漫尚留一旅
興王易不念孤兒立國難樓櫓海門西日暗劍

歷代詩選 明主彙編 卷六十六 一
歌江介朔風寒九原痛憶遺黎在千載奸諛掩
泪看天立豈忘南雲飄信祀靈靈尚留一

讀靖康遺事

杜鵑啼老落城東烽火郊畿縱犬戎廟畧合收
淝水捷虜盟誰定渭橋功銅鉞故陌迷秋草黃
屋驚塵捲朔風一自鼎湖龍去後小臣何地泣
遺弓

題余忠宣請授兵書

大將分符自朔庭出師江漢肅南征賀蘭不救

睢陽厄無忌難收鄴下兵唇齒百年誰復恤簡
書千載漫多情西風一劍英雄淚已逐寒江日
夜聲

錢塘懷古

咸洛腥膻幾百州中原誰切祖生憂秦關壁使
星馳夕漢苑銅仙露泣秋萬死奸諛和虜計百
年臣子戴天讐欲從故老詢遺事斗酒難澆磊

魂愁

寓舍偶題

四海麾戎滿中原汗馬疲龍蛇傷紀歲麟鳳歎
非時土貢包茆廢邊防羽檄馳杜陵憂國念釋
悶強裁詩

題喻元良義士卷

保障聯民伍鄉亭習鼓鼙檄文能倚馬舞劍每
聞雞嶺粵南踰阻關河北望迷載歌非杖杜感
慨為君題

題陳德輝義士卷

萬姓顛虞日羣公義戰心擁兵麾白羽養士散

黃金袍賜蟠桃舊營開細柳深里門烽警息載
道凱歌音

寄泲塘高隱君

高卧東山客行年五十餘門無俗士駕家有鄴
侯書樹蔭通巢鶴芸香走蠹魚冠裳謝迎送渾
與世相疎

艾季誠自北回

行李京華舊誰知二陸賢金從金馬署幽訪玉
堂仙書待常何薦詩從賀鑑傳都將倦遊夢一

問五湖船

公孫

躍馬公孫氏荆湖舊拓疆函書隣好絕陞戟霸
圖荒城堞迷秋草樓船散夕陽龍文成五采終
古在芒碭

贈人戍襄陽

漢水荒城外頻年汗馬場舟車通饋餉部曲雜
耕桑幕府文書暇烽樓警邏長山公有愛將日
醉習池傍

題杜氏逸民卷

笑拂珊瑚樹長竿學釣魚鑑湖宜載酒禹穴舊
藏書和入滄浪曲行尋下澤車了無圭組累隨
處狎樵漁寶貝軒風人豈食精藪風濤不滅煎
正無梅溪宿徐橋隱者寓舍烟來暮更宜憐去
不見故人久吟愁入髮絲試呼村舍釀細論草
堂詩夜雨西窗燭春風別墅棋滄洲如有約歲
晚共襟期

留桐廬知縣庠文學

竊食嚴陵郡驚看兩載餘催科憐政拙補報愧
才疎耕稼宜盤谷漁樵本孟諸間關心百折何

幸賦歸歟

西窗颺春風際望殊尚早

懷饒府陶郎二侯舊政刊林舍翺瞻餘草

五馬為邦日疲氓屬撫綏載歌來暮政宜勒去

思碑漢室賢良傳周人豈第詩遺風端不泯顏

范合同祠

會賦曲予嘗于鄂車下無圭路翠朝

石倉十二代詩選

明詩卷之六十一

